

藤

陰

雜

記

余弱冠入都留心掌故嘗閱王漁洋偶談  
思欲續輯于是目見耳聞隨手漫筆及巡  
街踏徧凡琳宮梵宇賢踪名蹟停車諮訪  
甲寅讀禮間居重加芟削見舊聞考宸垣識畧已載  
者悉去之彙存十二卷固不若說鬼談狐令人聽而  
忘倦也寓移槐市斜街固昔賢寄迹著書地院有新  
蓀四本漸次成陰恒與客婆娑其下爰仿漁洋香祖  
之例卽以名之嘉慶丙辰陽月吟梅居士戴璐

藤陰雜記卷一

吟梅居士

王弇洲及徐應秋王芝堂談薈俱記有明盛事王漁  
洋池北偶談香祖筆記載止康熙中葉今將  
本朝盛事續錄于左

父子大拜桐城張文端公英次子文和公廷玉常熟

蔣文肅公廷錫子文恪公溥無錫嵇文敏公曾筠子

文恭公璣

父子一品商邱宋文康公權大拜子學吏部尙書海

寧陳清恪公

說

禮部尚書子文勤公

世信

大拜錢塘

徐文敬公

潮

吏部尚書子文穆公

本

大拜諸城劉文

正公

統勲

大拜子

婦

今吏部尚書大拜富陽董文恪

公邦達

禮部尚書子

誥

今戶部尚書大拜

父子兄弟九列桐城張文和公第

廷璫

戊戌榜眼禮

部侍郎

廷璩

工部侍郎文和子

若靄若澄

俱內閣學

士若淳

刑部侍郎靜海勵文端公

杜訥

刑部侍郎子

文恭公

廷儀

刑部尚書孫

宗萬

刑部侍郎錢塘徐文

穆公第

杞

甘肅巡撫子

以烜

禮部侍郎武進劉文定

公綸 大拜子 躍雲 禮部侍郎休寧汪文端公 由敦吏

部尚書子 承需 戶部侍郎嘉興錢文端公 陳羣 刑部

侍郎加尚書銜子 汝誠 戶部侍郎溧陽史文靖公 貽

直 大拜子 奕昂 兵部侍郎荊州李 旭升 吏部侍郎子

周望 禮部尚書陽城田文端公 從典 大拜子 懋 吏部

侍郎錢塘梁文莊公 詩正 大拜子 敦書 工部侍郎臨

川李 紱 戶部侍郎孫 友棠 工部侍郎安溪李文貞公 光

大拜孫 清植 禮部侍郎曾孫 宗文 工部侍郎南昌熊

一瀟 工部尚書孫 學鵬 兵部侍郎廣昌魏 方泰 刑部

侍郎子 定國 吏部侍郎常熟蔣文恪公子 櫟 兵部侍

郎 賜榮 戶部侍郎大興黃 叔林 吏部侍郎子 登賢 漕

運總督海豐吳 紹詩 禮部尚書子 垣 吏部侍郎 壇 同

時爲刑部侍郎涪州周文恭公 煌 兵部尚書子 與岱

禮部侍郎光州胡文良公 煦 禮部侍郎子 季堂 刑部

尚書桐城方恪敏公 觀承 直隸總督子 維甸 副都御

史若八旗名臣碩輔恒出一門史不勝書未敢率記

兄弟翰林同時九列前則崑山三徐華亭三王已見

池北偶談今則南滙吳 省欽 工部侍郎 省蘭 內閣學

士滿洲 鐵保 禮部侍郎 五保 吏部侍郎

同胞三及第崑山徐氏而後惟武進莊 存與 乙丑榜

眼弟 培因 甲戌狀元

同邑一榜及第康熙己未榜眼孫 卓 探花郭 薦馨 俱

宣城人壬辰狀元王 世琛 探花徐 葆光 俱長洲人乙

未狀元徐 陶璋 榜眼繆 日藻 會元傅臚李 錦 俱蘇州

人雍正庚戌狀元周 壽 探花梁 詩正 俱錢塘人乾隆

壬戌榜眼楊 述曾 探花湯 大紳 俱武進人乙丑狀元

錢 維城 榜眼莊 存與 俱武進人

翁壻狀元彭大司馬啓豐丁未狀元壻莊培因甲戌

狀元金少宗伯牲壬戌會狀外孫汪如洋庚子會狀

鼎甲三人同時八座康熙癸丑狀元韓大宗伯文懿

榜眼王大司農鴻緒探花徐侍郎秉義乾隆乙丑狀

元錢少司寇維城贈尚書文敏榜眼莊少宗伯存與探花王

大司農際華謚文莊越十餘年會元蔣少司馬元益以待

御歷侍郎一時稱盛文敏未幾卒于家文莊師卒于

位莊公休歸卽卒獨蔣少司馬年八十餘

乾隆丙辰榜眼黃孫懋五年卽擢閣學而卒探花秦



大司寇

蕙田謚文恭

狀元金總憲

德瑛

傳臚蔡中堂

新二

甲二名曹太宗伯

秀先

俱官一品金秦俱六十外卒

漳浦以宰輔致仕十年重宴鹿鳴年已九十

祖孫父子同科江西奉新甘莊恪

汝來

官巡撫時父

萬達弟汝逢子禾雍正丙午同舉于鄉封公後官知

縣不受冢宰封誥亦奇

父子同登進士乾隆己未烏程費

瀛子

蘭先

甲戌嘉

善周

翼洙

子升桓

辛巳大興邵

自鎮

子

庾曾

前此未

查若父子同科及同胞同舉尚多不及錄

同胞同登進士順治丙戌膠州法若真若貞已丑烏

程姚延啓延著康熙丁未宜興儲方慶善慶庚戌福

山鹿廷瑛廷瑄丙辰歸安沈涵三曾聯名入翰林已

丑長洲張學庠學賢大興黃叔琬叔敬乙未長洲李

錦文銳乾隆丁巳歸安潘汝誠汝龍戊辰涿州劉湘

洵已丑山陰沈詩李詩杜壬辰咸寧賈策安策洽戊

戌大興邵自昌自悅丁未靈石何元煥道生乙卯吾

郡王以錡中會元第二名卽胞兄以銜廷對狀元則

前此所未有嘉慶丙辰南昌許庭椿應階

同胞三同甲康熙辛丑宜興諸大文會元弟 鄒文雄  
文同榜

同胞五登甲科大興金 謝溶 潢洪濬 門懸五子登科

額同年邵楚帆侍御 自昌 弟 自華 自悅 自本 自和 自

異自彭 則六正榜一副榜代州馮履履 履謙 亦同胞

祖孫會狀康熙丙辰彭 定求 雍正丁未彭 啓豐 亦無

繼者父子鼎甲溧陽任 蘭枝 癸巳榜眼子 端書 丁巳

探花鎮洋汪 廷璵 戊辰探花子 學金 辛丑探花

已亥江南解元錢 聚 辛丑會狀翁閣學作三元詩德

定圃師和韻趙雲崧

翼作三元考謂唐張又新崔元

翰宋孫何王曾宋庠楊寘王巖叟馮京金孟宗獻元

王宗哲明商輅及錢而十二

重赴瓊林康熙己未趙

執信

王

材任

俱于乾隆己未

稱前後同年辛未黃侍郎

叔琳

庚辰史文靖丙戌熊

編修

本

庚戌嵇文恭亦然丙辰蔡中堂未及來京

王文恭公

頊齡

舉康熙癸卯鄉試雍正癸卯重赴鹿

鳴作公宴詩黃侍郎庚午重赴卽次其韻辛未又次

韻重赴鹿鳴康熙丁酉侯官鄭

開極

乾隆丁卯錢塘

周天相 丙子歸安吳 大燁 壬午永福黃 任甲午霸州

孟琇 近年已酉科雲南賽 璵 年九十二浙江吳編

修嗣富 壬子福建三人大學士蔡年八十六陳 林年

八十八邱 理德 年八十三湖北御史萬 年茂 前壬子

解元年八十六湖南石 騏翥 年八十一譚 昌明 年八

十六 曾寓四川營 乙卯馮侍御 浩 以丙辰舉人年七

十七奏請預宴湖北陳編修 中龍 年八十九雲南沈

詠孫 似茗 俱官知縣年八十外

國朝年少登第順治丁亥王文靖 熙 年二十乙未伊

文端 桑阿 年十六戊戌陳文貞 廷敬 年二十康熙已

未李丹壑 孚青 年十六辛未黃崑圃 叔琳 年二十庚

辰史文靖年十九壬辰舒 大成 年十八辛丑勵少司

寇 宗萬 年十七雍正庚戌嵇文恭年二十

乾隆朝年少登第丁巳德定圃師年十九已未蔣 麟

昌 年十九乙丑夢侍郎 麟 年十八戊辰朱大司馬 珪

年十八壬申熊 恩綬 年二十甲戌戈太僕 源 年十九

丁丑彭 紹升 年十八辛巳秦中丞 承恩 年二十丙戌

祥布政 福 年二十甲辰蔣編修 攸銘 文學士 寧 俱年

十九

教官金榜掛名且中狀元明惟翁正春一人稱盛事

乾隆辛巳王韓城藍田教諭辛卯榜眼王增由臨安

教諭丁未狀元史致光由湯溪教諭嘉慶丙辰榜眼

汪守和由新喻教諭

一省三鼎甲順治丁亥呂官武進人程芳朝桐城人

蔣超金壇人戊戌孫承恩常熟人孫一致鹽城人吳

國對全椒人己亥徐元文崑山人華亦祥無錫人葉

方藹崑山人康熙癸丑韓炎長洲人王鴻緒婁縣人

徐秉義 崑山人 己未歸允肅 常熟人 孫卓荊 薦馨俱

宣城人 己丑趙熊詔 武進人 戴名世 桐城人 繆沅泰

州人 雍正庚戌周壽 錢塘人 沈昌宇 秀水人 梁詩正

錢塘人 乾隆庚戌石韞玉 吳縣人 洪亮吉 陽湖人 王

宗誠 青陽人

順治己丑新進士 卽用道府二十餘人 分發兩廣止

此一科後不爲例

解元 狀元 康熙甲戌胡任輿 辛酉解元 乾隆辛未吳

鴻 丁卯解元 辛丑會狀錢棨 己亥解元 康熙初解元



中進士無不入翰林者今不盡然

大宗伯德定圃師乾隆癸未巳丑庚子辛丑甲辰五  
典會試韓城王中堂乾隆乙未戊戌丁未巳酉庚戌  
五典會試前此惟孝感熊文端公

賜履

康熙癸丑甲

戌丁丑庚辰癸未五典會試少宗伯介師乾隆辛未  
甲戌丁丑庚辰四典會試諸城劉文正公

統勲

乾隆

辛未丁丑辛巳辛卯四典會試高陽李文勤公

霽順

治戊戌康熙甲辰丙辰三典會試澤州陳文貞公

廷

康熙壬戌辛未癸未三典會試桐城張文和

廷玉

雍正癸卯甲辰乾隆丁巳三典會試溧陽史文靖公  
貽直 雍正甲辰丁未乾隆乙丑三典會試

池北偶談漢閣臣康熙朝江南宋徐張李張五人後

太倉王公揆華亭王文恭公頊齡山西沁州吳公後

澤州陳文貞公廷敬福建則安溪李文貞公光地四

川遂寧張文端公鵬翮直隸各省無續拜者雍正朝

江南三人桐城張文和公廷玉在位二十餘年常熟

蔣文肅公廷錫無錫嵇文敏公曾筠浙江海寧陳文

簡公元龍江西高安朱文端公軾山西田文端公從

典 乾隆朝江南溧陽史文靖公 昭直 常熟蔣文恪公

溥 武進劉文定公 綸 金壇于文襄公 敏中 武進程文

恭公 景伊 無錫嵇文恭公 寅 浙江錢塘徐文謨公 本

海寧陳文勤公 世倌 錢塘梁文莊公 詩正 會稽梁文

定公 國治 仁和孫公 士毅 山東泰安趙公 國麟 諸城

劉文正公 統勳 廣西臨桂陳文恭公 宏謀 福建漳浦

蔡公 新 陝西韓城王公 杰 浙江富陽董公 誥

尹文端公四督兩江甲申四月八日七十生辰拜相

仍督兩江袁子才 枚 爲公門生呈詩云紫禁城頭駐

玉車宮闈深處女兒家萬釘寶帶天邊賜十部笙歌  
宅裏譁北面公侯爭把盞東床 帝子替簪花休誇  
與佛同生日轉恐光榮佛尚差又韋平兩世黃扉業  
伊呂三朝白髮身兒童竹馬頭成雪官舍甘棠樹拂  
天新築沙隄迎使節剛調梅雨到江村文端記  
恩十絕其三云舊沙堤上築新沙如此光榮有幾家  
說與兒孫須努力兩朝父子領黃麻

杭州王弢山

正功

出入省闈二十年每入直輒搜考

檔案勒成一書名中書典故彙紀其目有六曰官制

日職掌曰儀式曰恩遇曰建置曰題名而以雜錄終

焉杭

世駿

作序阮吾山司寇

葵生

留心掌故恒以在

閣未久未及徧閱檔案爲憾

汪厚石

孟鎔

久因公車壬午

召試中書初到內閣

口號云陳人久歎積薪餘乍許清班學步趨獵獵西

風敝裘帽東華門外喚車驅靜聽閣老馬蹄聲侍讀

諸公白事迎我自田間來幾日慎敎輕易上階行六

科書吏立如麻齊下三單卅點加掃筆紛紛忙注本

日輪眼急下東華

遇款 鑒封印日  
則三日本齊下

乾清門側階初

交匣硯看人喚打包枯坐今朝拚守晚領歸諭摺件

傳抄

每人領 上諭奏摺日直中例  
派一人候夜直交代爲守晚

御門聞道特除官硃筆題名敬奉觀別有改簽更式

樣傳宣票擬細尋端

御筆親書爲硃簽  
特旨改標爲改簽 輪班辰入

退過中來是空言兩隸人莫怪此間無灑掃禁城清

絕不生塵典籍驢任事八首云六年歷俸八年資又

向西廳坐褥移一轉成仙人共笑邈邈不去待何時

寂寞茶房淡泊厨喧然吏役日高初各堂上任誇誰

似一飽猪羊祭庫餘

典籍到任例  
以猪羊祭庫 畫行事細粗能曉

點卯人多疾未詳夜直若非連兩夜軍機須去面中

堂

供事皂隸紙匠蘇喇喇望日赴聽印單印簿縫鈴  
唱名漢典籍無閒直夜直連兩日

存改鑰開箱畫繼昏始識相公多攝事十纔一二本

衙門

中堂有兼管上諭處國史館三通館成羅掌  
斯館行部院衙門文俱用驪印以印卑為憑

印班班等樣官平明滿漢一廳攢考勤簿子親書押

要送兼廳侍讀看

滿漢典籍各二缺餘皆別堂來兼  
理者滿侍讀學士侍讀兼廳則為

廳官

北廳章奏南廳案大庫文書小庫銀承發散班

齊了事辦香酌酒祭科神

廳供事南北各十四人五  
月十三日酌錢專科神云

是蕭

曹也寶箱例引赴

乾清肅

駕年年典據徵接送預行

交泰殿奉盈一念警宵與

旃檀香寶五寶之一

交泰殿二十駕出內閣學

士典籍各一員赴請寶

駕旋送寶亦如之乾清宮

辦事銜名不自由背

推輝接此勾留莫將五日輕京兆尚許管人喚皂頭

吏部選制中書帶銜事銜

丙戌進士官吏部未幾卒

者通管典籍撰文則否

燕喜生士論甲戌考取中書夜直詩朝衣墨漬帶酸

寒離喚仙郎上界官海內封章留視北天邊綸綍在

毫端晝持襪被花同宿人散黃扉月自看那似鳴機



圖畫裏小窻燈火坐團圓的是一人獨直情事

徐中丞 士林 康熙癸巳進士初官中書時有句云歸

來惹得山妻問侍女薰香近有無後由部郎歷官江  
蘇巡撫方正最著沒祀賢良官蘇杲對云看階前草  
綠苔青無非生意聽牆外鷓啼雀噪恐有冤魂仁人  
之言歷久未沫

內閣大堂西槐樹會試年鵲結一巢則中書得鼎甲  
一人乙未結數巢則狀元吳錫齡榜眼汪鏞探花沈  
清藻會元嚴福皆中書吳沈次年卒嚴官亦未顯今

惟汪編修存中書會試必有中者乙卯止中一人丙辰無之

吏部翰林院禮部國子監土地俱祀韓昌黎未知所自趙甌北翼入翰林詩以解嘲云瀛洲署中坎社鼓社公傳是韓吏部建置本末無可徵肇祀不知意何取從來名賢歿爲神各視生平所建豎或班侍郎居碧落或冊真人位紫府或選閻羅分殿十或封遮須列爵五鬼官司命周顛除太陽都錄魏徵補白傳已列蓬萊仙曼卿更拜芙蓉主况公日星河嶽氣立朝

天節炳千古絕脉能開道學先餘事亦號文章祖抗  
疏幾碎佛氏骨從祀不慚宣聖廡豈宜罰作土地神  
坐使淮陰噲爲伍屈宋詎稱衙官職樂邵翻充皂隸  
戶生前磨蝎坐命宮曾謫嶺南蛟鰐浦庸知身後尚  
蹭蹬無端又遭左遷侮鄉先生可祭於社此土初非  
公故土卽云立社爲樂公公未久修史館簿區區冷  
官一轡肉豈足爲公增華膴我來展謁聊解嘲且勿  
牢騷碩人俟幸未改塑浮屠像  
潮州有公像作浮屠形郭青螺易一木主  
儒服依然端章甫香火祠雖處末僚翰墨緣仍近藝

圖猶勝杜陵老拾遺變作十姨呼阿姥杜拾遺廟訛作杜十姨塑  
女像見蓼花洲閒錄

史文靖公康熙庚辰年十九館選後歸娶繪玉堂歸

娶圖徵詩袁子才枚亦已未館選歸娶題文靖圖云

愧作彭宣拜後堂絕無衣鉢繼安昌算來只有歸迎

事曾學黃梁夢一場吾湖丁巳沈庶常雲蜚亦翰林

歸娶未幾歿于京邸袁賦輓詩而鄉人有不能舉其

姓氏者矣

乾隆七年編檢侍班始掛朝珠商寶意盤詩云一現

牟尼五色重陸離婉轉正當胸欲宣梵唄酬 君德  
百八珠隨百八鐘螭幻鵠立兩班瞻中憲俄驚秩驟  
添從此披香案前吏果然仙佛一身兼想是時四品  
方掛五品尚不得云

劉文定公以武進廩生丙辰二十六歲擢博學宏詞  
第一廷試五六天地之中合賦諸徵士不解所出公  
獨揮翰如飛張文和公故睨公卷對衆朗吟始共得  
題解詩題山雞舞鏡有句云似擬投林方戢戢可能  
對語便關關一時傳誦時沈歸愚宗伯同試未第俯

首曰吾輩頭顱如許乃不如白面後生得不愧死

武進莊本淳學士

培因

少負才華不作第二人想乾

隆乙丑令兄方耕少宗伯

存與

以第二人及第學士

賦詩調之落句云他年令弟魁天下始信人間有宋

祁果中甲戌狀元館課夏雲多奇峯有天際落芙蓉

句頗自矜詡未幾卒此與蔣菱溪

麟昌

羊燈無焰三

更碧句同一詩譏甲戌會榜莊中第三名第一胡紹

鼎第二朱棻元莊爲彭芝庭尚書壻尚書笑謂曰君

當作狀元不見榜頭書鼎元莊耶一時語慧遂成佳

識二則見炙硯瑣談

同年湯緯堂輯

阮吾山少司寇

葵生

與秦通政荻江

清

同保臺諫同

日補授二公皆壬申鄉舉秦問阮曰君南榜名第幾  
阮曰五十三秦訝然曰予列陝榜亦五十三名秦又  
言辛未偶取丁卯賈天祿庚午蕭克明珠卷讀之皆  
五十三名戲謂予亦欲中五十三名已而果然又通  
政胞兄

浩生

中癸酉五十二名戲謂遲弟一歲高弟

一名荻江曰高弟一名畢竟遲弟一歲

宜興陳其年

維崧

年四十餘尚爲諸生有曰者謂曰

君過五十必入翰林梅杓司磊贈詩朝來日者橋邊

過爲許功名似馬周已未果以鴻博授檢討年五十

六名士晚達康熙丁丑姜西溟宸英七十三中探花癸

未王樓邨式丹五十九會狀官恕堂鴻歷五十八查

他山慎行五十四已丑何端簡世璠五十八壬辰胡

文良煦五十八乙未裘璣七十二辛丑陸坡星奎勳

五十九俱入翰林乾隆丙辰劉起振八十歲授檢討

已未沈歸愚尚書六十七入翰林癸丑吳貽詠五十

八歲中會元入翰林嘉慶丙辰元和王巖八十六歲



中式尚未殿試

高江村

士奇

錢唐諸生十九貧至京師賣文自給新

正爲人書春帖子自作聯句偶爲

聖祖御覽召見授錄事年三十二有空對西風歎二

毛之句遂改中書擢侍講不數年晉宮詹放歸起用

歿謚文恪勵近公

杜訥

靜海歲貢年六十選授州同

會三殿三門禁扁書未工整人薦書扁合式遂授編

修七十二歲開坊升侍郎贈尚書亦謚文恪二公不

由科目遭際亦同

孫松坪

致彌

嘉定人耿都尉薦以布衣

賜三品服充朝鮮採詩使士論榮之康熙戊辰入翰

林旋以連染下獄起用升學士而卒亦儒生榮遇

順治丙戌會試杜月湖

方

以庶吉士同考得魏柏鄉

喬介

卷已擬第一後改十二名李

真棠

本十二名改

第一月湖評魏文擬之以蘇長公果居揆席而月湖分校次年卽卒柏鄉作誌銘述之

本朝直隸狀元自雍正甲辰陳大宗伯

惠華

始封翁

夢神人贈松柏兩株桂花一枝咏詩以紀有庭樹兩

株邀祖德天香一瓣續孫枝之句長子惠榮少子惠

正俱以進士官濟臬宗伯登上第年八十三而卒

范浣浦咸雍正癸卯聯捷入翰林先是夢得泥金賀

帖有齊第五三字鄉會首題第五字皆齊字子華使

節道之以德齊一節咸安宮學生向少科第浣浦謫官充教習

丁巳觀補亭德定圃先生李質穎諸敏皆聯捷館選

一時稱盛

雍正己酉壬子乙卯三科鄉試聘隣省舉人同考浙

江錢湘人琦出福建舉人林瑞泉房丁巳入翰林乙

丑同考林于乙丑成進士出張太史映斗房錢于填

榜時卽認張爲太老師出闈率所中會元蔣元益狀

元錢維城等謁林同年而稱太老師蔣與林又已酉

同年一時傳爲佳話林歸班終于蜀令

嘉慶己未會試中二百九名翰林七十人部屬八十

人同胞同榜者滿洲廉善大興俞恒潤澤原籍德清狀

元姚文田吾鄉名士臚傳前直有人夢迎天榜有人

心易昧天理難欺二金牌前道狀元蓋姚高祖陳梟

江南以身活千萬人陰德不淺所致

藤陰雜記卷二

吟梅居士

吏部藤花傳爲長洲吳文定寬手植王漁洋司寇夏

日有事吏部坐藤花下呈趙玉峯王吳廬二少宰詩

日斜人吏散雜坐古藤陰時有涼風至冷然開我襟

周行聊寄蹟邱壑共論心尙憶延陵叟清徽感至今

注指吳文定公陳文簡元龍任侍郎時偕澤州相國

同賦二律乙酉大拜京察至部又賦詩已二十年

宋牧仲肇由蘇撫撫家宰詠詩云長洲少宰令名垂

手種藤花世共知一片清陰連古榦三春喬木颺微  
颺儲才總見當年盛好事堪爲我輩師未荅恩暉兼  
述祖閒廳惆悵每移時周漁璜起渭和詩竹埤槐院  
古藤垂閱世蒼茫不自知濃結繡幃遮曉日亂牽珠  
琲颺春颺尙書屢葉經行地大雅新音舉世師更上  
沙堤尋鳳閣紫薇花好似當時陳澤州和詩黃散功  
名畫省詩卅年心事故人知迴驚海內交遊少却訝  
天涯聚散遲芳草長洲春去後落花高館夜深時藤  
陰舊是棲遲地風月今宵有夢思篆宰編藤陰倡和

集

湯西厓少宰

右曾

詩一午十容易及花時待到花開看

較遲槐柳陰中春已老燕鶯聲外蝶先知綠雲片片

將成幄紫玉條條尙綴枝三百年來遺事盡風流留

得在曹司又次遂寧張家宰韻詩餘英客葉自年年

常在朱欄碧檻前菴西溪從新竹繞

菴西溪兩岸多朱藤許渾詠紫藤云

家近江南

平泉潭其綠蘿懸

李德裕有思平龍蛇植泉潭上紫藤詩

曲盤空上罽毼丰茸壁架偏豈敢對公終不飲

用包孝肅

羣牧司惜花較似醉差賢

賞花事

劉文定公

綸

爲冢宰程文恭公

景伊

爲少宰何公

逢

僖

由選郎外轉旋擢侍郎賦藤花詩倡和成帙選郎

孟

超然

裝成全冊文定詩云莎廳聚覲見繁枝壓架

陰成覆廣墀移榻相將重數典綠天吟徹放衙時綵

楹雨過上蛺蝶夕照低翻紅欲然案吏函文先檢校

擬芟秋莢計明年

莢多則花易減  
每以先秋摘去

商賈意

庚戌

編修陳情乞外例得同知更調江南

湖北二十餘年不調作白鷗吟云茲禽綴我衣無由

孤雲霧未養羽毛豐甘遭塵土汙予秩旣難遷爾顏



亦非故見月擬開籠歸心向誰訴迨遷太守詩云得  
信如逢青鳥使遷官不唱白鷗吟

康熙辛丑新進士看驗馬墨麟

維翰

人本矮小挺立

不跪提督隆科多呵之曰不料渺小丈夫風骨如許  
對曰區區不跪尙未見維翰風骨也後以給事轉建  
昌道忤總督直揭部科被逮復官常鎮道而沒風與  
盧

見曾

同年詩名有南馬北盧之目盧輓詩云前輩

典型亡北斗中原旗鼓失南軍

韓春湖

朝衡

杭州人丙戌翰林改吏部嘗填曲述司

官况味窮形盡相一時傳誦其司嘲云謾道司曹地位清高文章收拾簿書勞上衙門走遭笑當年指望京官好到如今低心下氣空愁惱要解到個中辛苦耐人熬聽從頭說曉幾曾見傘扇旗羅紅黑帽叫名官從來不坐轎只一輛破車兒代腿跑賸有個跟班的夾墊馱包傍天明將驢套再休題遊翰苑三載清標只落得進司門一聲短道辦事費推猷手不停披目昏眊那案情律意多用心操還有滑經承弄筆蹊蹺與那疲貼寫行文顛倒細商量坐把精神耗

纔得回堂說稿 大人的聰明洞照中堂的度量容  
包單只爲一字寬嚴須計較小司官費盡周旋敢挫  
撓從今那復容高傲免不得改稿時顛頭簸腦說堂  
時垂手呵腰 西苑路逕遙候堂官偏難奏巧東閣  
事更難抄案件常防公早受用些汗流夾背的秋陽照紫飛撲面的冬風  
暴那顛得股顛心搖腸枯舌燥 百忙中錯悞真難  
保暗地裡隻眼先瞧敢只望乞面去捱些臉燥那知  
到吃雷回唬得魂銷若是例難逃律不饒忙撿舉也半  
邊兒焦只怕因公累誤幾降調幸得霹靂聲高雨點

小趕辨過平安暫報 公堂事了拜客去西頭路須  
先到約債去東頭路須親造急歸家柵閉溝開沿路  
遶淡飯兒纔一飽破被兒將一覺柰有個枕邊人却把  
家常道 道只道非絮叨你清俸無多用度饒房主  
的租銀促早家人的工錢怪少這一隻空鍋兒等米  
淘那一座冷鑪兒待炭燒且莫管小兒索食傍門號  
眼看着啞巴牲口無麩草况明朝幾家分子典當沒  
分毫 空煩擾空煩擾五旬外頭顱老休嗟悼休嗟  
悼千里外家山邈無文親沒相巧怪不得辦事徒勞

陞官尙早 回頭顧影空堪笑把平生壯氣半向近  
年銷這便是那司官行樂圖兒信手描司慰云薄宦  
天涯首善京華公餘隨伴散司衙任逍遙似怕便無  
多錢鈔供揮洒較似他風塵俗吏殊高雅再休爲長  
安清況輒嗟呀且銜杯細話 有多少宦海茫茫吁  
可怕那風波陡起天來大單聽得轎兒前喝道喧譁  
可知那心兒裡歷亂如麻到頭來空傾軋霎時間陞  
美缺錦上添花驀地裡被嚴叅山頭落馬 你我赴  
官衙坐道從容儘瀟洒只照常辦事便不爭差可有

急公文特地行查與那緊差使橫空派下所言公案  
無多寡將依樣葫蘆便畫 特題的才能俊雅推陞  
的器識清華便只要頸上朝珠將就挂到其間科道挨  
班分定咱何須一等誇京察但盼個學政兒三年稅  
駕試差兒一榜通家 頻年俸漸加添置些綿衣布  
襪挨時米不差穀養個車夫奶媽一任咱壺冰貯水  
消炎夏爐煤聚火煨殘臍且落得釀酒栽花題詩品  
畫 客何來幾句閒談罷忙捧上大葉清茶他待要  
決勝負一枰對下我還與叶宮商弦管同抓不用果

般嘉器皿華野蔬菜便似山家儘射覆藏闔傾巨罍  
直到月落參橫更鼓打且莫去和衣共榻 回看家  
下滿壁的今和古書籤挂滿院的開和落花枝亞笑  
相迎子婦牽衣閒戲耍奴婢兒多寬假雞犬兒無驚  
唬但博得夜眠時一枕神清暇 雖則久別家把聖  
水孤山夢想還躡履的香車寶馬趕廟的清歌雜耍  
纔看了殿春風紅芍藥又同到傲秋霜黃菊花你便道  
茶園戲館太喧譁試與我銜毫攬勝多幽雅況爭誇燕  
山八景風日倍清華 真休暇真休暇暗移却春和

夏無牽挂無牽挂漸了却婚和嫁忘機詐絕虛假受盡老健年華清高聲價 太平時節恩光大或京堂幾轉帽頂變山查這便是老司官頭白爲郎儘足誇未幾由郎中擢惠潮道告歸

員外內用九階方得四品故有九轉丹成之號謂員外郎中御史掌道給事中掌科鴻少光少通參也余惟越通參八階遍歷整二十年方轉四品

趙恭毅公

申喬

狀貌奇古長戶部時人呼冷廟龍王

見鮑西岡亞谷叢書



王漁洋再入戶曹戲作休論顏駟與馮唐執戟重來  
髭已霜慙悔儒冠成底事却從陞楯羨諸郎丙子官  
戶部侍郎臘月爲殷彥來書雍益集中絕句七十首  
以書名有求者俱令門生代書此冊于封印前書想  
見前賢風致曾于阮吾山司寇家見之

台州侯元經

嘉緒

才士也年五十以拔貢官縣丞解

餉至戶部筦庫吏需索不卽予批侯方窘時梁文莊  
公爲侍郎見侯名曰夷門也顧司官謂某尙書祭文

查查浦

嗣璫

梅雪坪

庚

陳香泉

奕

題跋謂新城不

諸君謙讓不作盍以屬之卽傳至戶部後堂授筆札  
不移晷成駢體極莊麗某司官復進曰此堂官祭文  
諸司曹尙需一首亦以相屬候磨墨濡筆復成四言  
韵文此何足盡夷門之才而一時堂上下嘖嘖稱訝  
不已彼筦庫者已袖文書俟候出而付之明日遂行  
今之解餉受累者多矣有夷門之才則可以解餉然  
賴文莊素知其人耳

康熙己未保舉鴻博朱竹垞謂皆擅著作才撰鶴徵  
錄未成其時應考者一百三十三人未取名士如法

若真 丙戌進士布政使趙進美 前庚辰進士河北道

田雯 甲辰進士郎中葉封 己亥進士高層雲 丙辰進

士常博譚吉聰 例監同知許孫荃 庚戌進士刑部郎

中戴王綸 乙未榜眼江西糧道陸龍其 庚戌進士革

職知縣監生閻若璩李良年 進士汪懋麟 以丁憂未

試保舉奏疏于吏科庫見之

乾隆丙辰考試鴻博一百九十三人年長萬經 癸未

翰林年少袁枚 廩監取入翰林十五人亦見館選錄

不取而後登顯仕者沈歸愚德潛 王少司馬會汾 襄

大司空

日修

錢少宗伯

載

葉庶子

酉

楊學士

述曾

金

總憲

德瑛

曹大宗伯

秀先

以春榜已入翰林不與試

全

祖望

撰公車徵士小錄今惟袁隨園存

乾隆辛巳會試有中者不如不中用者不如不用之

謠時劉侍郎

秉恬

取入中正榜不數年總督四川孫

補山先生二甲第三文字入選未用壬午召試授中

書不十年開府雲南終大學士贈公爵若馮方伯

應榴

陸副憲

錫熊

郭侍讀

元澂

皆未用以召試授官榜下

選翰林者皆不之及

趙秋谷

執信

去官查他山

慎行

被議人皆知于國忌

曰同觀洪昉思

昇

新填長生殿昉思顛蹶終身他山

改名應舉秋谷一蹶不振贈他山云與君南北馬牛

風一笑同逃世網中竹垞贈洪句梧桐夜雨詞淒絕

薏苡明珠謗偶然是也近于吏科見黃

六鴻

原奏尙

有侍讀學士朱典侍講李澄中臺濟知府翁世庸同

宴洪寓而無查名不知何以牽及又傳黃以知縣行

取入都以詩稿土宜送趙荅刺土宜拜登大稿壁謝

因之挾嫌訐奏黃有福惠全書坊間盛行初仕者奉

爲金針李字渭清已未鴻博與毛朱倡和世無知其  
被論何也

朱竹垞以帶僕充當供事出入內廷潘稼堂未以浮  
躁輕率有玷講官爲掌院牛鈕叅劾原奏尙存

癸巳四庫館開以翰林纂輯不敷劉文正保進士邵

晉涵周永年表文達舉進士余集舉人戴震王文莊

舉舉人楊昌霖時稱五徵君武康高文照未與斯選

寄五君云丹絳旁求石室書普天光氣吐蟬魚冷聞  
端賴終軍豹薄技空慚黔地驢亡去篇增安世策載

來學富惠施車諸公衮衮蒲輪出一夜多空風雨廬  
屈指浮生幾甲寅孤身天地一微塵魏收木榻經穿  
久劉勰雕龍自鬻頻正派百川歸學海空山四壁有  
通臣大官厨味寧多羨珍重青藜照讀人高少工詩  
博學蘊以拔貢中甲午舉人乙未客死京寓五君俱  
改林

蕭侍讀

惟豫

順治甲午中五名庚子主江西試吉水

李尚書

振裕

年甫十五閱卷決爲大器名列第五云

以衣鉢傳之

康熙乙丑會試王司農鴻緒爲總裁胞兄九齡爲同

考若兄弟同科典試分校康熙己未沈三曾涵乾隆

癸卯吳藻濤主政俊雲南副主考中書第樹萱湖南

副主考甲辰會試同爲分校官王子順天鄉試吳學

士樹本弟助教孝顯同考甲寅順天鄉試何農部元

煊全弟水部道生充同考官

康熙癸未禮部右侍郎王項齡轉左內閣學士王九

齡升右侍郎乃胞弟也其三弟鴻緒爲工部尙書兄

弟同時八座後官俱一品



德定園師官大宗伯五典會試繪春官桃李圖施小

鐵

明諱

作記諸門生題詩

禮部侍郎開列知貢舉乾隆庚辰 特點熊少司寇

學鵬

蔣太史

士銓

有滿城桃李屬秋官之句今知貢

舉開列六部滿漢侍郎

欽點二員

禮部堂官不由科甲吳恭定

紹詩

以諸生保舉歷巡

撫晉大宗伯葉

存仁

以監生歷布政晉禮部侍郎李

世傑

以吏員出身官至兵部尚書

平越王少司馬

士俊

康熙辛丑翰林改祥符知縣時

田文鏡督豫素惡科目忽問出身王眉蹙口澁若爲萬不得已而對曰士俊不肖某科翰林也田以爲測已愈惡之將劾其官王詳請免河南蘇地稅冀見忤放歸布政楊

文乾

得牒驚曰此何時尚有奇男子耶

遲明田果摺劾楊爲緩留楊卽巡撫廣東保薦同往以道府用權兩司未幾田卒卽代其任旋佐兵部內辰讀卷先期夢髯道士袖文來謁詰旦閱金總憲卷奇其文列十卷內遂得大魁謁見時謂親同道士云

田督豫時一疏劾科目收令十餘員適李穆堂制府  
紱過汴揖未畢卽厲聲曰明公身任封疆有心蹂躪  
讀書人何也田不能堪劾李致麗入蔡斑案擬辟乾  
隆初出獄佐戶部又以多保鴻博議降復起閣學告  
歸

已未朝考詩題因風想玉珂袁子才枚有聲疑來禁

苑人似隔天河一聯甘冢宰汝來閱卷嫌語不莊欲

棄尹文端力爭入選子才深感知遇有琴獻已成焦尾  
斷風高重轉落花紅之句文端固是愛才亦見冢宰

校文之慎

庶常館久不修葺吉士恒不進館乾隆丙戌王文莊公充大教習奏請重修煥然一新

御賜芸館培英額裴文達公謂公曰願公世世子孫

俱進是館公子

朝梧

果于辛丑入翰林

自己卯嚴磨勘之條順天停科四十餘人陝西斥革一人廣西斥革一人時疵謬者固不乏人亦有倖免者有誣指者壬午勘卷某摘一用社稷鎮公子卷應議裴文達充大磨勘官心疑非杜撰歸第問公子

麟

對以句出國語客有以出左傳對者立命取書以証  
果出左傳遂長跪而幾受責時麟已官編修矣自是  
勘卷不敢妄加指摘庚寅顓天駿五十外中舉題爲  
孟公綽節用國狗之瘼句爲大磨勘指出停科安得  
有文達虛心查左傳而救之

己卯磨勘官有宮太僕煥文閤侍御循琦朱侍御不

烈朱侍御嵇盡心細核指摘較多時有魔王之號朱

侍御丕烈以大磨勘覆核未公劾奏尤見丰采庚辰

考差列三等竟副江南主考于時楊給事方立有廢

月四  
三  
三  
膳錄之奏湯方伯

聘

有改經文爲經解之奏章疏紛

紛議覆殆無虛日遂酌改罰停三科一科條例減主  
考房官處分至今遵守儀部向號閒曹至是繁劇甲  
大部時郎中爲鄭前村先生子與先大夫主稿故得  
其詳

已卯任邱邊氏中六人解元方晉第四嚮禮文實勝  
元乃以後場犯諱罰三科又以經文語疵罰二科久  
館南皮張氏壬辰例准會試辛卯邊歿未得一踏禮  
闈門人張景運著秋坪新詔稱其無書不讀文人無

命一至于斯

庚辰鄉試鄭前村儀部

子

蔡蘭圃

以墓

同校禮記房

多宿學一時有四皓之目謂顧

奕松馬

曾魯

趙光照

陳彭齡

年皆六十上下馬乙卯拔貢辛酉副榜至是

聯捷入翰林改吏部守愚南歸卒篤寔可親敬師尤切顧丙辰副榜僅官學博陳亦終靖江司訓

南北人卷不通看前惟辛酉科行之自戊子以後仍

不通看是以庚寅科惟李

殿圖

劉經傳

二八看南卷

丙午科惟初

彭齡

韓湯衡

看南卷一房幾二十人所

謂盡東南之美也南北皿副榜向無定額佳卷約中  
十餘人戊子以後何侍御曰珮條奏照正榜五名中  
一之例南北皿各中七人

李石渠殿圖嘗夢人語遇亨而通不解所謂乙酉出

劉侍讀亨地房丙戌出盧學士文弼薦中撥入紀太

僕復亨房而夢乃驗遂由翰林科道廉訪閩中

進士見於王制入詩始于唐徐凝荅施先輩詩料得  
仙官列仙署如君進士出身稀元歐陽原功京城雜  
咏行到瓊林春更好新來進士唱名聲舉人入詩白



香山乞錢羈客面落第舉人心歲貢入詩孟浩然孝  
廉因歲貢懷橘向秦門秀才入詩李太白送杜秀才  
秀才何翩翩諸生入詩高適諸生曰萬盈四十乃知  
名

吳白華司空

省欽

久困鄉闈丙子被貼飲長干酒樓

詩歸燕吟成近十霜吳輟重踏大功坊故侯寥落遺

民老忍見西風字數行

大功坊被貼處

丁丑召試授中書感

遇詩再四蹉跎榜未填蹇人豈分上青天科因制舉

尊鴻博典爲游廵予量銓迨癸未入詞館戊子秉文

衡及今已三十年凡典鄉試七次會試同考三總裁  
一學政五任弟省蘭以舉人學正甲午充同考戊戌  
賜進士以編修充丙午浙江正主考大考第一侍講  
擢正詹事

錢少宗伯

載

雍正壬子中副榜時金檜門總憲客禾

訂交丙辰大魁宗伯屢試不售曰者謂逢申方中年

四十五壬申果聯捷出珪

朝棟

門珪乃總憲辛酉江

南所得士也于是執小門生禮維謹自是典文衡陟

卿貳七十歸田八十七方卒韋約軒中丞

謙恒

二十

拔貢名噪詞場四十四癸未及第不十年開府黔中  
嗣三入詞館再領成均官止鴻臚七十七卒

癸未一榜英才濟濟擬鼎甲者初未知秦大成名也

呼名時秦貌本寢繭袍纓帽幾于一軍皆驚寓衣肆  
中無第可歸繼而訂交接其言論篤寔可欽性至孝  
隨乞養侍母越十五年補官年將六十僅一分房假  
歸旋卒先是會榜第三本定張書勲以論誤斥去于  
落卷中搜秦卷補之占大魁張隨中丙戌狀元皆科  
名佳話因誌之

刑部福建司有甘露軒以配四川司白雲樓皆王李

當年賦詩地查查浦

嗣稟

詩甘露飛來綴柏枝白雲

樓下坐談詩時平刑措原無事閒煞西曹是鳳池

漁洋香祖筆記十月初九日夜再雪竟夜積素滿庭

晚菊尚敷腴可玩晨起忍寒坐信古堂對雪看菊忽

梁溪琴僧岳蓮見過彈平沙落雁漢宮秋二曲古音

蕭寥忘其身任長安官是秋曹之長也賦詩記事時

爲康熙四十一年壬午想見承平刑措氣象

阮司寇吾山

蔡生

齋宿四川司詩宿齋西窗暮烟桐

簾卷西風慄傲裘涼夜獨尋黃葉逕遺踪待訪白雲  
樓虛堂儼對秦臺月雪案清于蜀道秋笑與諸君若  
相避夜來明去未勾留又雨中進署云駑蹄款段蹴  
洪流十八曹司水際浮縱轡登堂還沒膝彈鞭入屋  
自低頭層層素几排虹影面面紅窻化蜃樓波浸法  
堂占吉兆幾人快馬似龍游白雲亭外排几案作橋  
亭中水深尺餘惟敘雪  
堂最高水僅及階都諺以沙擁翰林院水見少司寇時  
淹三法司爲吉兆時一等赴漆引  
爲司員旋改御史通叅蕪部一日楊主事護見而愕  
然曰公旬日必得本部堂官時尚無缺果有海昇殺

妻一案杜少司寇 玉林 獲譴初放王郎中 士棻 亦以

先檢應譴遂擢吾山又西曹判筆詩狼籍雲司墨與  
朱朝朝依樣画葫蘆三錢價本輕寒荻一字鋒能奪  
湛盧幾度停毫防出入可憐落紙判生枯淋漓敢快  
如刀筆湘管何時淚始無仁人之言可作西曹箴銘